

〔汉〕班固撰

漢書

中



上海古籍出版社

〔汉〕班

固撰

漢書

中



上海古籍出版社

汉书卷二十八上

地理志第八上

昔在黄帝，作舟车以济不通，旁行天下，^①方制万里，画墾分州，^②得百里之国万区。是故《易》称“先王建万国，亲诸侯”，^③《书》云“协和万国”，^④此之谓也。尧遭洪水，襄山襄陵，^⑤天下分绝，为十二州，^⑥使禹治之。水土既平，更制九州，列五服，^⑦任土作贡。^⑧

①师古曰：“旁行，谓四出而行之。” ②师古曰：“方制，制为方域也。画谓为之界也。墾，古野字也。画音获。” ③师古曰：“《易·比卦》象辞。” ④师古曰：“《虞书·尧典》之辞也。” ⑤师古曰：“襄字与怀同。怀，包也。襄，驾也。言水大泛滥，包山而驾陵也。” ⑥师古曰：“九州之外有并州、幽州、营州，故曰十二。水中可居者曰州。洪水泛大，各就高陆，人之所居，凡十二处。” ⑦师古曰：“其数在下也。” ⑧师古曰：“任其土地所有，以定贡赋之差也。”

曰：禹敷土，^①随山槩木，奠高山大川。^②

①师古曰：“敷，分也，谓分别治之。自此已下皆是《夏书·禹贡》之文。”

②师古曰：“桀，古刊字也。奠，定也。言禹随行山之形状刊斫其木，以为表记，决水通道，故高山大川各得其安定。”

冀州既载，^①壶口治梁及岐。^②既修太原，至于岳阳。^③覃怀底绩，至于衡章。^④厥土惟白壤。^⑤厥赋上上错，^⑥厥田中中。^⑦恒、卫既从，大陆既作。^⑧鸟夷皮服。^⑨夹右碣石，入于河。^⑩

①师古曰：“两河间曰冀州。载，始也。冀州，尧所都，故禹治水自冀州始也。” ②师古曰：“壶口山在河东。梁山在夏阳。岐山在美阳，即今之岐州岐山县箭括岭也。禹循山而西，治众水。” ③师古曰：“太原即今之晋阳是也。岳阳在太原西南。” ④师古曰：“覃怀，近河地名也。底，致也。绩，功也。衡章，谓章水横流而入河也。言禹于覃怀致功以至衡章也。底音之履反。” ⑤师古曰：“柔土曰壤。” ⑥师古曰：“赋者，发敛土地所生之物以供天子也。上上，第一也。错，杂也。言第一，又杂出诸品也。” ⑦师古曰：“言其高下之形摠于九州之中为第五也。一曰，为其肥瘠之等差也。它皆类此。” ⑧师古曰：“恒、卫，二水名。恒水出恒山，卫水在灵寿。大陆，泽名，在巨鹿北。言恒、卫之水各从故道，大陆之泽已可耕作也。” ⑨师古曰：“此东北之夷，搏取鸟兽，食其肉而衣其皮也。一说，居在海曲，被服容止皆象鸟也。” ⑩师古曰：“碣石，海边山名也。言禹夹行此山之右而入于河，逆上也。”

洹、河惟兖州。^①九河既道，^②雷夏既泽，雍、沮会同，^③桑土既蚕，是降丘宅土。^④厥土黑坟，^⑤少繇木条。^⑥厥田中下，^⑦赋贞，^⑧作十有三年乃同。^⑨厥贡漆丝，^⑩厥糝织文。^⑪浮于洹、漯，通于河。^⑫

①师古曰：“洹本济水之字，从水声。言此州东南据济水，西北距河。

沛音姊。” ②师古曰：“九河，河水分为九，各从其道。《尔雅》曰：‘徒骇、太史、马颊、覆鬴、胡苏、简、絮、钩般、鬲津，是曰九河。’一说，道读曰导。导，治也。” ③师古曰：“雷夏，泽名，在济阴、城阳西北。言此泽还复其故，而雍、沮二水同会其中也。沮音千余反。” ④师古曰：“降，下也。宅，居也。言此地宜桑，先时人众避水，皆上丘陵，今水害除，得以蚕织，故皆下丘居平土也。” ⑤师古曰：“色黑而坟起也。坟音扶粉反。” ⑥师古曰：“艸，古草字也。繇，悦茂也。条，修畅也。繇音弋昭反。” ⑦师古曰：“第六也。” ⑧师古曰：“贞，正也。州第九，赋亦正当也。” ⑨师古曰：“治水十三年，乃同于它州，言用功多也。” ⑩师古曰：“贡，献也。地宜漆林，又善蚕丝，故以献也。” ⑪师古曰：“棐与筐同。筐，竹器，筐属也。织文，锦绮之类，盛于筐筐而献之。” ⑫师古曰：“浮，以舟渡也。沛、漯，二水名。漯水出东郡东武阳。因水入水曰通。漯音它合反。”

海、岱惟青州。①嵎夷既略，惟、留其道。②厥土白坟，海濒广漚。③田上下，赋中上。④贡盐、絺，海物惟错，⑤岱畎丝、枲、铅、松、怪石，⑥莱夷作牧，厥棐漆丝。⑦浮于汶，达于沛。⑧

①师古曰：“东北据海，西南距岱。岱即太山也。” ②师古曰：“嵎夷，地名也，即阳谷所在。略，言用功少也。惟、留，二水名。皆复故道也。惟水出琅邪箕屋山。留水出泰山莱芜县。惟字今作淮，留字或作淄，古今通用也。一曰，道读曰导。导，治也。” ③师古曰：“濒，水涯也。漚，卤咸之地。濒音频，又音宾。漚音昔。” ④师古曰：“田第三，赋第四。” ⑤师古曰：“葛之精者曰絺。海中物产既多，故杂献。” ⑥师古曰：“畎，小谷也。枲，麻属也。铅，青金也。怪石，石之次玉美好者也。言岱山之谷，出丝、枲、铅、松、怪石五种，皆献之。畎音工犬反。” ⑦师古曰：“莱山之夷，地宜畜牧。棐，漆桑也。食棐之蚕丝，可以弦琴瑟。漆音乌簪反。” ⑧师古曰：“汶水出泰山郡莱芜县原山。言渡汶水西达于沛也。汶音问。”

海、岱及淮惟徐州。^①淮、沂其乂，蒙、羽其艺。^②大野既猪，东原底平。^③厥土赤埴坟，草木渐包。^④田上中，赋中中。^⑤贡土五色，^⑥羽畎夏狄，峯阳孤桐，^⑦泗滨浮磬，^⑧淮夷蠙珠泊鱼，^⑨厥篚玄纁缟。^⑩浮于淮、泗，达于河。^⑪

①师古曰：“东至海，北至岱，南及淮。” ②师古曰：“淮、沂二水已治，蒙、羽二山皆可种艺也。淮出大复山。沂出泰山。沂音牛依反。” ③师古曰：“大野即钜野泽也。猪，停水也。东原，地名。底，致也。言大野之水既已停蓄也。东原之地致功而平，可耕稼也。” ④师古曰：“埴，黏土也。渐包，言相渐及包裹而生。” ⑤师古曰：“田第二，赋第五。” ⑥师古曰：“王者取五色土，封以为太社，而此州毕贡之，言备有。” ⑦师古曰：“羽畎，羽山之谷也。夏狄，狄雉之羽可为旌旄者也，羽山之谷出焉。峯阳，峰山之阳也。山南曰阳。孤桐，特生之桐也，可为琴瑟，峰山之南生焉。峰音驿。” ⑧师古曰：“泗水之涯浮出好石，可为磬也。泗水出济阴乘氏。” ⑨师古曰：“淮夷，淮水上之夷也。蠙珠，珠名。泊，及也。言其地出珠及美鱼也。蠙音步千反，字或作玼。” ⑩师古曰：“玄，黑也。纁，细缁也。缟，鲜支也，即今所谓素者也。言献黑细缁及鲜支也。” ⑪师古曰：“渡二水而入于河。”

淮、海惟扬州。^①彭蠡既猪，阳鸟逌居。^②三江既入，震泽底定。^③筦簨既敷，^④兕觥木乔。^⑤厥土涂泥。^⑥田下下，赋下上错。^⑦贡金三品，^⑧瑶、璆、筦簨，齿、革、羽毛，^⑨鸟夷卉服，^⑩厥篚织贝，^⑪厥包橘、柚，锡贡。^⑫均江海，通于淮、泗。^⑬

①师古曰：“北据淮，南距海。” ②师古曰：“彭蠡，泽名，在彭泽县西北。阳鸟，随阳之鸟也。言彭蠡之水既已蓄聚，则鸿雁之属所共居之。蠡音礼。” ③师古曰：“三江，谓北江、中江、南江也。震泽在吴西，即具区也。底，致也。”

言三江既入，则震泽致定。” ④师古曰：“箬，小竹也。箬，大竹也。敷谓布地而生也。箬音先了反。又，箬音荡。” ⑤师古曰：“夭，盛貌也。乔，上竦也。夭音于骄反。乔音桥，又音骄。” ⑥师古曰：“澣，洳湿。” ⑦师古曰：“田第九，赋第七。又杂出诸品。” ⑧师古曰：“金、银、铜。” ⑨师古曰：“瑶、璵，皆美玉名也。齿，象齿也。革，犀革也。羽旄，谓众鸟之羽可为旄者也。璵音昆。” ⑩师古曰：“鸟夷，东南之夷善捕鸟者也。卉服，絺葛之属。” ⑪师古曰：“织谓细布也。贝，水虫也，古以为货。” ⑫师古曰：“柚，似橘而大，其味尤酸。橘、柚皆不耐寒，故包裹而致之也。锡贡者，须锡命而献之，言不常来也。柚音弋救反。” ⑬师古曰：“均，平也。通淮、泗而入江海，故云平。”

荆及衡阳惟荆州。①江、汉朝宗于海。②九江孔殷，③沱、灋既道，云梦土作义。④厥土涂泥。田下中，赋上下。⑤贡羽旄、齿、革，金三品，⑥杔、干、栝、柏，厉、砥、谿、丹，⑦惟篋簞、楷，三国底贡厥名，⑧九匭菁茅，⑨厥隼玄纁玃组，⑩九江纳锡大龟。⑪浮于江、沱、灋、汉，逾于洛，至于南河。⑫

①师古曰：“北据荆山，南及衡山之阳也。” ②师古曰：“江、汉二水归入于海，有似诸侯朝于天子，故曰朝宗。宗，尊也。” ③师古曰：“孔，甚也。殷，中也。言江水于此州界分为九道，甚得地形之中。” ④师古曰：“沱、灋，二水名，自江出为沱，自汉出为灋。云梦，泽名。言二水既从其道，则云梦之土可为畎亩之治也。沱音徒何反。灋音潜。一曰，道读曰导。导，治也。” ⑤师古曰：“田第八，赋第三。” ⑥师古曰：“自金以上所贡与扬州同。” ⑦师古曰：“杔木似樗而实。干，栝也。栝木柏叶而松身。厉，磨也。砥，其尤细者也。谿，石名，可为矢鏃。丹，赤石也，所谓丹沙者也。杔音丑伦反。栝音古活反。砥音指，又音抵。谿音奴。” ⑧师古曰：“篋簞，竹名，楷，木名

也，皆可为矢。言此州界本有三国致贡斯物，其名称美也。籛音困。籛音路。梏音怙。” ⑨师古曰：“匭，桺也。菁，菜也，可以为菹。茅可以缩酒。苞其茅匭其菁而献之。匭音轨。菁音精。” ⑩师古曰：“玄，黑色。纁，绛也。玕，珠之不圜者。组，绶类也。纁音勋。玕音机，又音祈。” ⑪师古曰：“大龟尺有二寸，出于九江。锡命而纳，不常献也。” ⑫师古曰：“逾，越也。言渡四水而越洛，乃至南河也。南河在冀州南。”

荆、河惟豫州。①伊、雒、瀍、涧既入于河，②荥、波既猪，③道荷泽，被盟猪。④厥土惟壤，下土坟垆。⑤田中上，赋错上中。⑥贡漆、枲、絺、纴、棊、纡纆，⑦锡贡磬错。⑧浮于洛，入于河。⑨

①师古曰：“西南至荆山，北距河水。” ②师古曰：“伊出陆浑山，雒出冢领山，瀍出穀成山，涧出龟池山，四水皆入河。” ③师古曰：“荥，沔水洑出所也为也，即今荥泽是也。波，亦水名。言其水并已遏聚矣。一说，谓荥水之波。” ④师古曰：“荷泽在湖陵。盟猪亦泽名，在荷之东北。言治荷泽之水衍溢，则使被及盟猪，不常入也。道读曰导。荷音歌。被音被马之被。盟音孟。” ⑤师古曰：“高地则壤，下地则坟。垆谓土之刚黑者也，音卢。” ⑥师古曰：“田第四，赋第二，又杂出第一。” ⑦师古曰：“纴，织纴为布及练也。纡纆，细绵也。纴音仁。纡音旷。” ⑧师古曰：“错，治玉之石。磬错，言可以治磬也。亦待锡命而贡。” ⑨师古曰：“因洛入河也。”

华阳、黑水惟梁州。①岷、嶓既艺，沱、滽既道，②蔡、蒙旅平，和夷底绩。③厥土青黎。④田下上，赋下中三错。⑤贡璆、铁、银、镂、罍、磬，⑥熊、黑、狐、狸、织皮。⑦西顷因桓是徕，⑧浮于滽，逾于沔，⑨入于渭，乱于河。⑩

①师古曰：“东据华山之南，西距黑水。” ②师古曰：“岷，岷山也。嶓，

嶓冢山也。言水已去，二山之土皆可种艺。沱、灊，二水，治从故道也。岷音旻。嶓音波。道读曰导。” ③师古曰：“蔡、蒙，二山名。旅，陈也。旅平，言已平治而陈祭也。和夷，地名，亦以致功可耕稼也。” ④师古曰：“色青而细疏。” ⑤师古曰：“田第七，赋第八，又杂出第七至第九，凡三品。” ⑥师古曰：“瑊，美玉也。鏐，刚铁也。磬，磬石也。瑊音虬。” ⑦师古曰：“织皮，谓麋也。言贡四兽之皮，又贡杂麋。” ⑧师古曰：“西顷，山名，在临洮西南。桓，水名也。言治西顷山，因桓水是来，无它道也。顷读曰倾。” ⑨师古曰：“汉上曰沔，音莫践反。” ⑩师古曰：“正绝流曰乱。”

黑水、西河惟雍州。①弱水既西，②泾属渭汭。③漆、沮既从，酆水迺同。④荆、岐既旅，⑤终南、惇物，至于鸟鼠。⑥原隰底绩，至于猪瑩。⑦三危既宅，三苗丕叙。⑧厥土黄壤。田上上，赋中下。⑨贡球、琳、琅玕。⑩浮于积石，至于龙门西河，⑪会于渭汭。⑫织皮昆侖、析支、渠叟，西戎即叙。⑬

①师古曰：“西据黑水，东距西河。西河即龙门之河也，在冀州西，故曰西河。” ②师古曰：“治使西流至合黎。” ③师古曰：“属，逮也。水北曰汭。言治泾水入于渭也。属音之欲反。汭音芮，又音而悦反。” ④师古曰：“漆、沮，即冯翊之洛水也。酆水出酆之南山。言漆、沮既从入渭，酆水亦来同也。迺，古攸字也。攸，所也。沮音七余反。” ⑤师古曰：“荆、岐，二山名。荆在岐东。言二山治毕，已旅祭。” ⑥师古曰：“终南、惇物二山皆在武功。鸟鼠山在陇西首阳西南。自终南西出至于鸟鼠也。” ⑦师古曰：“高平曰原，下湿曰隰。猪瑩，地名。言皆致功也。” ⑧师古曰：“三危，山名，已可居也。三苗，本有苗氏之族，徙居于此，分而为三，故言三苗。今皆大得其次叙。” ⑨师古曰：“田第一，赋第六。” ⑩师古曰：“球、琳，皆玉名。琅玕，石似珠者也。球音求，又音虬。琳音林。琅音郎。玕音干。” ⑪师古曰：“积石山在

金城西南，龙门山在河东之西界，皆河水所经。”⑫师古曰：“逆流曰会。自渭北涯逆流西上。”⑬师古曰：“昆崙、析支、渠叟，三国名也。言此诸国皆织皮毛，各得其业。而西方远戎，并就次叙也。叟读曰搜。”

道汧及岐，至于荆山，^①逾于河；^②壶口、雷首，至于大岳；^③底柱、析城，至于王屋；^④太行、恒山，至于碣石，入于海。^⑤西倾、朱圉、鸟鼠，至于太华；^⑥熊耳、外方、桐柏，至于倍尾。^⑦道蟠冢，至于荆山；^⑧内方，至于大别；^⑨崤山之阳，至于衡山，^⑩过九江，至于敷浅原。^⑪

①师古曰：“自此以下，更说所治山水首尾之次也。治山通水，故举山言之。汧山在汧县西。道读曰导。后皆类此。汧音苦坚反。”②师古曰：“即梁山龙门。”③师古曰：“自壶口、雷首而至大岳也。雷首在河东蒲反南。大岳即所谓岳阳者。”④师古曰：“底柱在陕县东北，山在河中，形若柱也。析城山在濩泽西南。王屋山在垣县东北。”⑤师古曰：“太行山在河内山阳西北。恒山在上曲阳西北。言二山连延，东北接碣石而入于海。行音胡郎反。”⑥师古曰：“朱圉山在汉阳冀县南。太华即今华阴山。”⑦师古曰：“熊耳在陕东。外方在颍川故县，即崇高也。桐柏在平氏东南。倍尾在安陆东北。言四山相连也。倍读曰陪。”⑧师古曰：“蟠冢山在梁州南。此荆山在南郡临沮东北。蟠音波。”⑨师古曰：“内方在荆州。大别在庐江安丰。”⑩师古曰：“崤山在蜀郡湍氏西。衡山在长沙湘南之东南。崤山，江所出。衡山，江所经。”⑪师古曰：“敷浅原，一名傅阳山，在豫章历陵南。”

道弱水，至于合黎，余波入于流沙。^①道黑水，至于三危，入于南海。^②道河积石，至于龙门，^③南至于华阴，东至于底柱，^④又东至于盟津，^⑤东过洛汭，至于大伾，^⑥北过降水，至于大陆，^⑦又北播为九河，^⑧同为逆河，入于

海。^⑨嶓冢道漾，东流为汉，^⑩又东为沧浪之水，^⑪过三澨，^⑫至于大别，南入于江，^⑬东汇泽为彭蠡，^⑭东为北江，入于海。^⑮嶓山道江，东别为沱，^⑯又东至于醴，^⑰过九江，至于东陵，^⑱东迤北会于汇，^⑲东为中江，^⑳入于海。道沔水，东流为沔，^㉑入于河，軹为荥，^㉒东出于陶丘北，^㉓又东至于荷，^㉔又东北会于汶，^㉕又北东入于海。^㉖道淮自桐柏，东会于泗、沂，东入于海。道渭自鸟鼠同穴，东会于酆，又东至于泾，又东过漆、沮，入于河。道洛自熊耳，东北会于涧、瀍，又东会于伊，又东北入于河。

①师古曰：“合黎山在酒泉。流沙在敦煌西。” ②师古曰：“黑水出张掖鸡山，南流至敦煌，过三危山，又南流而入于南海。” ③师古曰：“积石山在河关西羌中。龙门山在夏阳北。言治河施功，自积石起，凿山穿地，以通其流，至龙门山也。” ④师古曰：“自龙门南流以至华阴，又折而东经砥柱。” ⑤师古曰：“盟读曰孟。孟津在雒阳之北，都道所凑，故号孟津。孟，长大也。” ⑥师古曰：“洛汭，洛入河处，盖今所谓洛口也。山再重曰伾。大伾山在成皋。伾音平鄙反。” ⑦师古曰：“降水在信都。大陆在巨鹿。” ⑧师古曰：“播，布也。” ⑨师古曰：“同，合也。九河又合而为一，名为逆河，言相迎受也。海即渤海是也。” ⑩师古曰：“漾水出陇西氐道，东流过武关山南为汉。禹治漾水自嶓冢始也。漾音恙。” ⑪师古曰：“出荆山东南流为沧浪之水，即渔父所歌者也。浪音琅。” ⑫师古曰：“三澨水在江夏竟陵。澨音箴。” ⑬师古曰：“触大别山而南入江也。” ⑭师古曰：“汇，回也，又东回而为彭蠡泽也。汇音胡贿反。” ⑮师古曰：“自彭蠡江分为三，遂为北江而入海。” ⑯师古曰：“别而出也，江东南流，沱东行也。沱音徒何反。” ⑰师古曰：“醴水在荆州。” ⑱师古曰：“东陵，地名。” ⑲师古曰：“迤，溢也。东溢分流，都共北会彭蠡也。迤音弋尔反。” ⑳师古曰：“亦自彭蠡出。” ㉑师

古曰：“泉出王屋山，名为洹，流去乃为洹也。洹音弋裔反。” ②师古曰：“洹与溢同。言济水入河，并流而南，截河，又并流溢出，乃为滎泽也。一曰洹，过也，音逸。” ③师古曰：“陶丘，丘再重也，在济阴定陶西南。” ④师古曰：“即荷泽。” ⑤师古曰：“济与汶合。” ⑥师古曰：“北折而东也。”

九州迺同，^①四奥既宅，^②九山棐旅，^③九川涤原，^④九泽既陂，^⑤四海会同。^⑥六府孔修，^⑦庶土交正，底慎财赋，^⑧咸则三壤，成赋中国。^⑨锡土姓：“祗台德先，不距朕行。”^⑩

①师古曰：“各以其所而同法。” ②师古曰：“奥读曰垩，谓土之可居者也。宅亦居也。言四方之土已可定居也。垩音于六反。” ③师古曰：“九州之山皆已棐木通道而旅祭也。” ④师古曰：“九州泉源皆已清涤无壅塞。” ⑤师古曰：“九州陂泽皆已遏障无决溢。” ⑥师古曰：“四海之内同会京师。” ⑦师古曰：“水、火、金、木、土、穀皆甚治。” ⑧师古曰：“言众土各以其所出，交易有无，而不失正，致慎货财，以供贡赋。” ⑨师古曰：“言皆随其土田上中下三品，而成其赋于中国也。中国，京师也。” ⑩师古曰：“台，养也。言封诸侯，赐之土田，因以为姓。所敬养者，惟德为先，故无距我之行也。台音怡。”

五百里甸服：^①百里赋内总，^②二百里内圻，^③三百里内甸服，^④四百里粟，五百里米。^⑤五百里侯服：^⑥百里采，^⑦二百里男国，^⑧三百里诸侯。^⑨五百里绥服：^⑩三百里揆文教，^⑪二百里奋武卫。^⑫五百里要服：^⑬三百里夷，^⑭二百里蔡。^⑮五百里荒服：^⑯三百里蛮，^⑰二百里流。^⑱东渐于海，西被于流沙，朔、南洎，声教訖于四海。^⑲

①师古曰：“规方千里，最近王城者为甸服，则四面五百里也。甸之为言

田也，主为王者治田。” ②师古曰：“自此以下，说甸服之内，以差言之也。总，禾稿摠人也。内读曰纳。下皆类此。” ③师古曰：“铎谓所刈，即禾穗也。铎音室。” ④师古曰：“戛，稿也。言服者，谓有役则服之耳。戛音工黠反。” ⑤师古曰：“精者纳少，粗者纳多。” ⑥师古曰：“此次甸服之外方五百里也。侯，候也，主斥侯而服事也。” ⑦师古曰：“又说侯服内之差次也。采，事也，王事则供之，不主一也。” ⑧师古曰：“男之言任，任王事者。” ⑨师古曰：“三百里同主斥侯，故合而言之为一等。” ⑩师古曰：“此次侯服外之五百里也。绥，安也，言其安服王者政教。” ⑪师古曰：“揆度王者文教而行之也。三百里皆同。” ⑫师古曰：“奋其武力以卫王者。二百里皆同。” ⑬师古曰：“此次绥服外之五百里也。要，以文教要来之也。要音一遥反。” ⑭师古曰：“夷，易也，言行平易之法也。三百里皆同。” ⑮师古曰：“蔡，法也，遵刑法而已。二百里皆同。” ⑯师古曰：“又次要服外五百里，此五服之最在外者也。荒，言其荒忽，各因本俗。” ⑰师古曰：“蛮谓以文德蛮幕而覆之。三百里皆同。” ⑱师古曰：“任其流移，不考诘也。二百里皆同。” ⑲师古曰：“渐，入也。被，加也。朔，北方也。讫，尽也。言东入于海，西加流沙，北方南方皆及，声教尽于四海也。一曰，渐，浸；泊，及也。”

禹锡玄圭，告厥成功。^①

①师古曰：“玄，天色也。尧以禹治水功成，故赐玄圭以表之也。自此以上，皆《禹贡》之文。”

后受禅于虞，为夏后氏。

殷因于夏，亡所变改。周既克殷，监于二代而损益之，定官分职，改禹徐、梁二州合之于雍、青，^①分冀州之地以为幽、并。故《周官》有职方氏，^②掌天下之地，辩九州之国。

①师古曰：“省徐州以入青州，并梁州以合雍州。” ②师古曰：“夏官之

属也。职，主也，主四方之土地。”

东南曰扬州：其山曰会稽，^①藪曰具区，^②川曰三江，
寯曰五湖；^③其利金、锡、竹箭；民二男五女；畜宜鸟兽，^④
谷宜稻。

①师古曰：“在山阴县。” ②师古曰：“藪，大泽也。具区在吴也。” ③
师古曰：“寯，古浸字也。川，水之通流者也。浸谓引以灌溉者。五湖在吴。”

④师古曰：“鸟，孔翠之属。兽，犀象之属。”

正南曰荊州：其山曰衡，藪曰云梦，川曰江、汉，浸曰
潁、湛；^①其利丹、银、齿、革；民一男二女；畜及谷宜，与扬
州同。

①师古曰：“潁水出阳城阳乾山，宜属豫州。许慎又云‘湛水，豫州浸’。
并未详也。湛音直林反，又直减反。”

河南曰豫州：其山曰华，^①藪曰圃田，^②川曰滎、雒，
浸曰波、滎；^③其利林、漆、丝枲；民二男三女；畜宜六
扰，^④其谷宜五种。^⑤

①师古曰：“即华阴之华山也。连延东出，故属豫州。” ②师古曰：“在
中牟。” ③师古曰：“滎即沔水所溢者也。波即上禹贡所云滎波者也。滎水
在楚，亦不当为豫州浸也。滎音庄亚反。” ④师古曰：“马、牛、羊、豕、犬、鸡
也。谓之扰者，言人所驯养也。扰音人沼反。” ⑤师古曰：“黍、稷、菽、
麦、稻。”

正东曰青州：其山曰沂，藪曰孟诸，^①川曰淮、泗，浸
曰沂、沭；^②其利蒲、鱼；民二男三女；其畜宜鸡、狗，谷宜

稻、麦。

①师古曰：“沂山在盖县，即沂水所出也。孟诸，即盟猪也。” ②师古曰：“沐水出东莞，音术。”

河东曰兖州：其山曰岱，藪曰泰壑，^①其川曰河、洧，浸曰卢、潍；^②其利蒲、鱼；民二男三女；其畜宜六扰，谷宜四种。^③

①师古曰：“即大野。” ②师古曰：“卢水在济北卢县。郑康成读曰雷，非也。” ③师古曰：“马、牛、羊、豕、犬、鸡，黍、稷、稻、麦也。”

正西曰雍州：其山曰岳，^①藪曰弦蒲，^②川曰泾、汭，^③其浸曰渭、洛；^④其利玉、石；其民三男二女；畜宜牛、马，谷宜黍、稷。

①师古曰：“即吴岳也。” ②师古曰：“在汧县。” ③师古曰：“汭在豳地。《诗·大雅·公刘》之篇曰‘汭鞠之即’。” ④师古曰：“洛即漆、沮也，在冯翊。”

东北曰幽州：其山曰医无间，^①藪曰豢养，^②川曰河、洧，浸曰菑、时；^③其利鱼、盐；民一男三女；畜宜四扰，^④谷宜三种。^⑤

①师古曰：“在辽东。” ②师古曰：“在长广。” ③师古曰：“菑出莱芜。时水出般阳。” ④师古曰：“马、牛、羊、豕。” ⑤师古曰：“黍、稷、稻。”

河内曰冀州：山曰霍，^①藪曰扬纡，^②川曰漳，浸曰汾、潞；^③其利松、柏；民五男三女；畜宜牛、羊，谷宜黍、稷。

①师古曰：“在平阳永安县东北。” ②师古曰：“《尔雅》曰‘秦有扬纡’，而此以为冀州，未详其义及所在。” ③师古曰：“漳水出上党长子。汾水出汾阳北山。潞出归德。”

正北曰并州：其山曰恒山，藪曰昭馀祁，^①川曰虡池、呕夷，浸曰涑、易；^②其利布帛；民二男三女；畜宜五扰，^③谷宜五种。

①师古曰：“在太原邬县。邬音一户反，又音於庶反。” ②师古曰：“虡池出鹵城。呕夷出平舒。涑出广昌。易出故安。虡音呼。池音徒河反。呕音於侯反。” ③师古曰：“马、牛、羊、犬、豕。”

而保章氏掌天文，以星土辩九州之地，所封封域皆有分星，^①以视吉凶。

①师古曰：“保章氏，春官之属也。保，守也，言守天文之职也。分音扶问反。”

周爵五等，而土三等：公、侯百里，伯七十里，子、男五十里。不满为附庸，盖千八百国。而太昊、黄帝之后，唐、虞侯伯犹存，帝王图籍相踵而可知。周室既衰，礼乐征伐自诸侯出，转相吞灭，数百年间，列国耗尽。^①至春秋时，尚有数十国，五伯迭兴，^②总其盟会。陵夷至于战国，天下分而为七，^③合从连衡，经数十年。秦遂并兼四海。以为周制微弱，终为诸侯所丧，故不立尺土之封，分天下为郡县，荡灭前圣之苗裔，靡有孑遗者矣。

①师古曰：“耗，灭也，音呼到反。” ②师古曰：“此五伯谓齐桓、宋襄、晋

文、秦穆、楚庄也。迭，互也。伯读曰霸。迭音徒结反。”③师古曰：“谓秦、韩、魏、赵、燕、齐、楚也。”

汉兴，因秦制度，崇恩德，行简易，以抚海内。至武帝攘却胡、越，开地斥境，南置交趾，北置朔方之州，^①兼徐、梁、幽、并、夏、周之制，改雍曰凉，改梁曰益，凡十三部，置刺史。先王之迹既远，地名又数改易，^②是以采获旧闻，考迹《诗》《书》，推表山川，以缀《禹贡》、《周官》、《春秋》，下及战国、秦、汉焉。^③

①师古曰：“胡广记云，汉既定南越之地，置交趾刺史，别于诸州，令持节治苍梧，分雍州置朔方刺史。”②师古曰：“数音所角反。”③师古曰：“中古以来，说地理者多矣，或解释经典，或撰述方志，竟为新异，妄有穿凿，安处附会，颇失其真。后之学者，因而祖述，曾不考其谬论，莫能寻其根本。今并不录，盖无尤焉。”

京兆尹，故秦内史，高帝元年属塞国，二年更为渭南郡，九年罢，复为内史。武帝建元六年分为右内史，太初元年更为京兆尹。元始二年户十九万五千七百二，口六十八万二千四百六十八。^①县十二：长安，高帝五年置。惠帝元年初城，六年成。户八万八百，口二十四万六千二百。王莽曰常安。^②新丰，骊山在南，故骊戎国。秦曰骊邑。高祖七年置。^③船司空，莽曰船利。^④蓝田，山出美玉，有虎候山祠，秦孝公置也。华阴，故阴晋，秦惠文王五年更名宁秦，高帝八年更名华阴。太华山在南，有祠，豫州山。集灵宫，武帝起。莽曰华坛也。郑，周宣王弟郑桓公邑。有铁官。^⑤湖，有周天子祠二所。故曰胡，武帝建元元年更名湖。下邳，^⑥南陵，文帝七年置。沂水出蓝田谷，北至霸陵入霸水。霸水亦出蓝田谷，北入渭。古曰兹水，秦穆公更名以章霸功，视子孙。^⑦奉明，宣帝